



POUPOU LE LOTOIFALE. OLA MANUIA LE ANOFALE.

STRENGTHEN THE POSTS OF YOUR HOUSE, FOR ALL TO THRIVE.

O LE FA'AMATALAINA O LE AUTŪ O LE VAIASO O LE GAGANA SAMOA

O le poupou ua fa'asino tonu lea i le galuega o le faiga o poulalo o le fale Samoa ia mautinoa le tu malosi o le fale. E fili lelei pou mai laau malolosi ma iloga o le vaomatua o Samoa. E eli foi lua mo pou ia loloto ina ia mautū. O poulalo e fesoasoani i poutū o le fale, e tauamoina le mamafa o le falealuga. O poulalo latou te li'oina le fale atoa, ma e fuafua le aofa'i i le telē o le fale. O poulalo ma poutū o le fale, e tatau ona maua'a ina ia tu matila le fale. A poupou lelei fale, o le a malu puipuia tagata e nonofo ai. E tatau ona gafatia e pou ma le fausaga atoa ona tatali le malolosi o matagi, afā, mafui'e, ma suiga o le tau e ono sātia ai le fale ma lamatia ai soifua. E toe sui pou ma toe fa'amalosia le fale pe afai ua 'atia pe pala.

Fale tagata: Le anofale

O le fausiaina o le fale Samoa, e fa'atusa lea o i le tapenaina o se tagata e amata mai i lona 'anofale e afua mai i lona 'āiga. O pou o le fale tagata, o lona fa'asinomaga, 'āiga, agaga, tino, le mafaufau, gagana, tu ma aga. E tatau ona maua'a uma pou nei e tali atu ai i suiga e tele o le olaga, e fetaia'i ma le tagata. A lelei le filifiliga o pou, lelei lona tapenaina ina ia maua'a, o le ola saogalēmū ma le ola manuia foi lea o tagata.

O Ai 'Oe?

E fa'atusaina le poupou o lou lotoifale i le toe tōmanatu o le tagata lava ia te ia ma ia iloa lelei lona tagata. O le vaega lea e aofia ai, mātua, le tupu'aga, gagana, aganu'u, agaifanua, soifua fa'aleagaaga, fa'aletino ma le mafaufau. E fa'apea foi ona ia iloaina ana measina, o ona fanua ma lau'ele'ele, fale, nu'u ma itumālō, fa'apea suafa matai o 'āiga. E tele a'a o le tagata Samoa, e tele ona so'otaga ma isi tagata, 'āiga, nu'u ma alaalfaga. A iloa ma mautonu i ai, o le maua'a fo'i lea o ona lagona, ma lona iloa. A leai, ua tatau ona toe sa'ili'ili ma su'esu'e atili i mātua ma isi tagata. O le manatu ina ia toe poupou ma fa'amalosia lea itu o lona fa'asinomaga, fa'atāua le ola manuia, mausalī ona talitonuga, ma mautinoa lona fa'asinomaga. O le malosiaga lea e lavātia ai ona tali atu i soo se lu'itau ma manumālō ai i soo se faigatā e alia'i mai.

Lou 'āiga

E tofua le tagata Samoa ma lona tupu'aga, tofua ma lona 'āiga e fa'asino iai. O le 'āiga, o le totonugalēmū lea o le soifua manuia o le tagata Samoa. O le olaga i totonu o le 'āiga Samoa, e iai le va o matua ma fanau, o matai ma 'au'āiga, o 'au'āiga ma le nu'u o nonofo ai auā e ola fetausia'i ma fealofani tagata uma. E to'ala fa'a'autama 'āiga ma afuafua mai ai le tagata fou i le manava o le tinā, seia oo ina tupu ma ola. E fa'apelepele ma 'aputiputi, tausī, fafaga, fa'alavalava, fa'asino i lotu, seia fa'asolo ina matua. E a'oa'oina lava ma fa'atonu mai le lotoifale i tu ma agatausili e tatau ai ma le fa'asamoa. O le poupou o lou lotoifale, o le toe vaai toto'a lea i le tāua ma le 'anofale ia fa'amalosiina pe toe tapu'e i ona vaega uma ina ia malosi, fiafia ma ola manuia tagata uma i le si'omiaga fa'asamoa moni.



POUPOU LE LOTOIFALE. OLA MANUIA LE ANOFALE.

STRENGTHEN THE POSTS OF YOUR HOUSE, FOR ALL TO THRIVE.

O LE FA'AMATALAINA O LE AUTŪ O LE VAIASO O LE GAGANA SAMOA

Lau gagana tu ma aga

O le gagana ma le aganu'u ua iloa ai le tagata Samoa ma lona fa'asinomaga. E tele suiga ua aafia ai i lenei vaitau ma ua motusia ai feso'ota'iga masani ma mafutaga fa'ale'aiga i laufanua ma eleele o 'aiga, ekalesia, nuu ma le atunuu. E t'ua ma mafanafana le sootaga i le fa'aaog'aina ma le fa'aolaola pea o la tatou gagana Samoa, tu ma aganu'u. O vaega ia e fa'atupuina le fiafia, fil'emu ma aumaia le fa'apalepale i loto ona o mafutaga motusia e ala i fa'ama'i ma suiga mai matagivale o le olaga. O le gagana, o le malosiga e sufi ai lagona, e fa'alototele ma o'o ifo ai uiga loloto o 'upu i le loto, ma fa'atupu ai le fa'amoemoe ola pe'a latalata le tai. O le aganuu e tausi ai so'otaga ma ta'ui ai le ola nofolelei ma le manuia o tagata, au'a e pa'i mai le 'upu e pei ona logo i tino matagi lelei. O le gagana fa'aaloalo e tausia le va, ia amana'ia, ma fa'aosofia ai le lotomau i tagata uma, tusa lava pe ua suia auala o feso'ota'iga fa'aonaponei. O le isi poutu malosi lea o le lotoifale fa'asamoa.

Lagim'alie o tagata e fetausia'i

E t'ua tele le nofo fil'emu ma le mafuta lelei o tagata e amata mai i le lotoifale o 'aiga, a'oga, ekalesia, nu'u ma alalafaga seia oo i le atunuu atoa. Afai ae 'opuina lou lotoifale fa'aletagata, o lou lava 'aiga, e le mafai foi ona maua se fil'emu i ekalesia, a'oga, nuu ma le lautele o le atunuu. O agatausili fa'asamoa e tataua ona malamalama ma fa'atonutonuina ai le tapasa o soo se tagata ina ia iloa ona ola magafagafa i le va ma isi. O le fa'aaloalo, loto alofa, fetausia'i, tautua, so'alaupule, 'onosa'i, fa'alogu ma usita'i, loto fa'amagalo, le fa'aailoga tagata a ia amana'ia tagata uma, fa'am'oni ma le filig'a, o nisi ia agatausili t'ua i le olaga fa'asamoa ma le fa'akerisiano. O le ute foi lea o le nofolelei ma le fil'emu ai o tagata Samoa mai aso ua mavae ma tausaga e tele i ona 'auaiga potopoto, o ta'ita'iga i nu'u, ekalesia ma le atunu'u. E mo'omia lava le toe tapu'e ma toe poupu. Ia ta'oto i lagotonu nei vala uma o le olaga ina ia sologa fil'emu mafutaga, ma ia maua ni ta'ita'i lelei mai tupulaga fai a'e e fa'aauauina pulega lelei ma le amiotonu. E afua nei mea uma mai le lotoifale e poupuina lelei. O ai e poupuina lea lotoifale? E tofu i tatou ma le sao t'ua fa'am'ua, fa'amatai, fa'alefai'a'oga, fa'afaife'au, fa'aleta'ita'i ina ia manuia Samoa.

Le faatofala'iga fa'asamoa

O le lu'i mo lenei tausaga ina ia toe lauliulu le tofa a 'aiga, a'oga, ekalesia ma le atunu'u atoa, toe poupu ma toe autalu lou lotoifale, i poutu ma poulalo, ia toe uluulumat'folau i soo se tafa e t'ua mo le tagata soifua. A mau'a le tofa mamao, anavatau, agatausili, gagana, tu ma aga, o le tapasa lea e fa'atonutonu folau mo tagata. O mamana na e mausal'i atili ai le fa'avae o fale tagata o Samoa.